



Rekawowii Joannis: Quacertii metaphysica de  
essentia entium finitorum



Biblioteka Jagiellońska



stdr0001729



A. M. D. G.  
Q V Æ S T I O  
M E T A P H Y S I C A

DE 59878-  
Essentia Entium Finitorum  
*Ad mentem.*

D. THOMÆ DOCTORIS ANGELICI

*Sub felicibus auspicijs*



MAGNIFICI, PERILLVSTRIS ET ADMO-  
DVM REVERENDI DOMINI

D. A N D R E Æ  
K V C H A R S K I,

S. Th: Doctoris & Professoris, Eccle-  
siarum Cathedralis Crac: Canonici, Collegiatæ  
SS. Omnium Præpositi, Contubernij Hie-  
rosolymitani Prouisoris.

ALMÆ ACADEMIÆ CRAC:  
GENERALIS RECTORIS.

A

M. JOANNE REKAWOWIC,  
*Philosophiæ Doctore Collega minore.*

Publicè ad disputandum proposita

*In Peraugusto D.D. Theologorum Lectorio*

Anno Salutis M.DC. LXV. Die 4<sup>ta</sup>. Mensis Apr:

CRACOVIAE,  
*In Officinâ apud Heredes STANISLAI BERTVTOWIC.*



# Q V Æ S T I O M E T A P H Y S I C A

V. Essentia in Entibus finitis, quæ constat gradibus Metaphysicis, & est distincta realiter ab Existencia, cum qua facit compositionem; ab æterno consistat in sola reali possibilitate, nec ne?

## CONCLUSIO PRIMA.

Essentia Entium finitorum constat ex pluralitate graduum ex quibus componitur metaphysicè.

### C O R O L L A R I A.

1. Essentia prædicta sic composita, est unum per se.
2. Essentia finitorum Entium non est quid simplex.
3. Essentia tamen est simplex ratio, quæ indivisibiliter afficit omnes gradus essentiae.
4. Gradus isti contenti in Essentia creaturarum, non sunt distincti realiter, sed per intellectum cum fundamento in re.
5. Per dictos gradus, intelliguntur hæc, non transcendentales; ut ratio Entis, veri, boni, &c. sed prædicamentales. s. generici, specifici, & differentiales.

## CONCLUSIO SECUNDA.

Essentia in Entibus finitis realiter distinguitur ab existentia.

COL.



## C O R O L L A R I A.

1. *In Ente Infinito, s. Deo, essentia cum existentia identificantur realiter: & saltem virtualiter differunt.*
2. *In Intelligentijs autem essentia ab existentia realiter differunt.*
3. *Similiter in Accidentibus essentia non est idem cum existentia.*
4. *Est autem Essentia id quo aliquid est: existentia verò est actus ultimus & complementalis rei extra causas constitutæ.*
5. *Existentia non est Accidens prædicamentale: potest tamen dici prædicabile.*

## CONCLUSIO TERTIA.

Entia finita ex Essentia & Existentia, verè & realiter componuntur.

## C O R O L L A R I A.

1. *Essentia habet rationem potentiæ receptivæ: existentia verò rationem actus perficientis essentiam.*
2. *Existentia est pars componens perfectior, quam essentia.*
3. *Sicut Entia materialia; ita & spiritualia finita. v.g: Angeli, admittunt istam compositionem.*
4. *In Entibus tamen materialibus non sunt plures existentiaæ partiales, sed unica totalis; quâ primariò totum compositum existit, secundariò verò partes illius.*
5. *Existentiaæ causa effectiva proxima solus est Deus: creatura verò non nisi est instrumentalis.*

## CONCLUSIO QVARTA.

Essentiaæ finitorum Entium, ab æterno, ut præscindunt ab existentia, in sola reali possibilitate consistunt.



## C O R O L L A R I A.

1. *Essentiae Entium finitorum nullum habent esse reale actuale in se ipsis ab aeterno, seclusâ existentia.*
2. *Nequè habent aliquod esse diminutum, medium inter esse reale & rationis.*
3. *Essentiae dictae habent possibilitatem intrinsecè ex se ipsis; id est, quia ex se non implicant contradictionem: extrinsecè verò & principiativè ab intellectu Divino.*
4. *Essentiae rerum possibilium ut præscindunt ab existentia, habent rationem veram Entis realis; prout differt à nihilo & Ente rationis.*
5. *Ens possibile formaliter & in recto significat illud Ens positivum, quod si produceretur in tempore, existeret.*









